

სიყვარული

3

თებერვალი

1988

ნახ. ჯ. ლომჯანი



უსიტყვოდ

აღუქანდრე ტანჯაქ

საქართველო
- ინტერნაციონალი
კომუნისტური
კავშირები

საერთაშორისო
კომუნისტური
კავშირები

ეს რა მომხდარა?!

ეს რა მომხდარა, როგორ მომხდარა?! -
ვერც გავიგო, - საქმე წამხდარა!..

მართალი კაცი ატირებულა,
მტყუანი კაცი გაცივებულა,
უაზრო აზრი გაწივებულა,
გულუხვი გლეხი გაცივებულა,

პაპათა კერა გაცივებულა,
უღრუბლო დარში გაწვივებულა,
შეყვარებული ცოლი და ქმარი
სამი თვის თავზე გაცივებულან!..

ეს რა მომხდარა, როგორ მომხდარა?! -
ვერც გავიგო, - საქმე წამხდარა!

უღირს თანამდებობის პირებს

თუ სათქმელს დღეს პირში გიცხადებენ,
თუ ვწუნობთ თქვენს ხმას და კილოს,
გული ნუ მოგდით და ნუ ცხარდებით,
სხვა დროა, ნურაფერს ჰკვირობთ!

ფილა მოთმინების ივება,
თუ ქმენით საქმენი უსწორი,
ხომ ხედავთ, ნაკლას და ღირსებას
იმასაც მისხალ-მისხალ ვუწონით!



თუკი დღეს პატივი ხართ ყვლამდე,
დრო მაგ თქვენს „დრომებსაც“ დახრის,
დაარქმევს თავის სახელს ყველაფერს
მსაჯული უმკაცრესი - ხალხი!

ვაშენებდით ცხოვრებას!..

სულ რომ წინ მივდიოდით,
თურმე უკან ვიხედით,
ვაფასებდით ცხოვრებას
ცრუ ციფრების მიხედვით!..
ტაშს ვუკრავდით მქუხარეს,
ქულებს ცაში ვისროდით,
თუმც მიზნი ზეიმის
ყოველთვის არ ვიცოდით!..
ვაშენებდით ქვეყანას
ქალაღებით, სიტყვებით
და გვეგონა - ერთადერთ
შეუმცდარ გზას მივყავით!..
იქცეოდა ქვეყანა,
ვეფლოზოდით ჯაბში,
მაგრამ ხმას არ ვიღებდით,
არასოდეს ვდავობდით!..
„წამატების“ მაგივრად
„წარმატებას“ ვამბოდით,
კმაყოფილი ვიყავით,
დრო გავყავდა ვართობით!..
სულ წინ, წინ მივდიოდით,
თურმე უკან ვიხედით,
ვაფასებდით ცხოვრებას
ლოზუნგების მიხედვით!..
ვაშენებდით ქვეყანას
ქალაღლებით, სიტყვებით
და გვეგონა, - ერთადერთ
შეუმცდარ გზას მივყავით!

შიდსი

მოდის, მოგორავს, მოიზღაზნება,
მოატყლაშუნებს შავ ფრთებს ყორნისას,
მოაქვს ქოლერისფერი აზრები
სიცოცხლის ყოფნის და არ ყოფნისა.

სისხლიდან სისხლში მოდის ხველებით,
უდაბნოების მოსდევს განგაში,
რომ კაცთა მოდგმა ეშმას ხელებით
ბავშვივით ჩაკლას თავის აკვანში.

სტვენით, მუქარით მოდის მუდრევი, -
დაგემილია კაცთა სხეულზე!..
აღამიანო, ფარი უდრეკი
შემოაგებე დროზე წყეულ სენს!

ვიდრე დრო არის, ფარი უფარე,
არ დახანო ფარის მიგნება,
ველარ გიშველის შერე უფალიც
და ყველაფერი გვიან იქნება!



სიმართლე

ახლა ხმამაღლა ვამბობთ და
სულ აღარ გვეუცხოება,
რომ არცთუ ისე ლამაზი
ყოფილა ჩვენი ცხოვრება!
ჩვენი გზა, ძნელად სავალი,
თურმე არც ისე ლაპალაპებს, -
ზარ-ზეიმებზე ყოველთვის
როგორც ვუკრავდით დაფაფებს!
არც ისე დაღწინებულად
გვექონია თურმე საქმენი,
და მაინც ერთმანეთისთვის
პირში ვერ გვითქვამს სათქმელი!
რა ჯოჯოხეთში გვივლია,
ვიდრე აქამდე მოვედით,
მტრად ცხადდებოდა, ვაიმე,
მართალი სიტყვის პოეტი!..
სამშობლოს სამტრო რა პქონდათ
ტიციანსა და პაოლოს,
მათებ მამული ვის სწამდა,
ვის სწავდა ბოლოს და ბოლოს?!
ვინ ააძვერებს ხელახლა
ციმბირში ჩამქრალ ცხელ გულებს,
გამეტებულებს უღმერთოდ,
ცამდე მართლებს და ერთგულებს?!

ნ.ბ. ბ. ზუბაზვილინა



ს.ზ.

თურმე არც ისე უნაკლო
ყოფილა ჩვენი ცხოვრება! —
ასლა სმამალა ვამბობთ და
სულ აღარ გვეუცხოება!..
ცა იწმინდება, ქარს შიაქვს
ღრბლები ნაფლეთ-ნაფლეთად!..
ვაი, რა სიმწრით დაღამდა,
ვაი, რა გვიან გათენდა!

ზოგბიართ ორატორს


შენი სიტყვა
არასოდეს არვის ესმის,
შენი სიტყვით
არასოდეს უბრწყვდებით,
რადგან აზრებს ჩაგვიჩინებ,
როგორც წესი,
ლინოტიპზე
ჩამოსხმული სიტყვებით!

დასკება

რბილ სავარძელში ნაფლული
დღეღამად ფულებს ითვლიდა,
არ აკლდა ოქრო და ფული,
მაინც ყველაფერს ყიდიდა.

გაყიდა სინდის-ნამუსი,
რაც ჰქონდა — მცირეოდენი,
გაყიდა ბინის ორდერი,
გაყიდა შრომის ორდენიც!..

რაზეც კი ხელი მიუწვდა,
სუყველაფერი გაყიდა,
მალალი ღმერთი მიუხვდა
და ჩამოსძანა მალლიდან:



„ყოველი მაშინ დაიწყო,
ემშაკ რომ სული მიჰყიდე!
სჯობს ჯოჯოხეთში, ძამიკო,
შენივე ფეხით მისვიდე!“

წერილის კვირული

ვისაც გინდათ და არ გინდათ,
სადაც ხართ და როგორც ხართ, —
წერეთ, წერეთ წერილები
როგორმე და როგორღაც!

გაისხენეთ მისამართი
ვარლამის და მიტროსი! —
სურვილია კავშირგაბმუ-
ლობის სამინისტროსი.

ნუ დაზოგავთ შაურიანს,
ქალაღდსა და მეღანსა,
გაუგზავნეთ წერილები
ვისაც იცნობთ, ყველასა,

რომ პირნათლად მოინადროთ
ვალი მოქალაქური,
დიდ საქმეზე მიიტანოთ
თქვენი წილი აგური!

წერილების ქარიშხალმა
მთა-ველს გადაუარა!..
წერეთ, წერეთ, სულ ერთია,
გეწერებათ თუ არა!

„პარი-პარალეი!..“

თავთავს ცოტა მარცვალი აქვს,
ძროხა ცოტას იწველის,
ტრაქტორს ჩვენთვის არ სცალია,
ლამის მოკვდეს... სიძველით!
შემოდგომა არ დაბდგარა,
ვაშლის სე პეავს მოკრეფილს,
გლესკაცები აღარ ჩანან,
ბაღებს კრეფენ ნოქრები!..
ფუტკარს შრომა ეზარება,
შაქარს თაფლად ასაღებს,

სხვის ბუღეში ნელა-ნელა
გუგულები ჩასასლდნენ!..
„ეს გვაკლია, ის გვაკლია!“
ვეწუნებთ და ებრაზდებით,
საქმისათვის ვის სცალია?!
თავს ვიწონებთ ფრაზებით!..
სანახევროდ ვირჯებით და
სანახევროდ ვიღლებით!..
მაინც მარჯვე ბიჭები ვართ,
ყელი გვტკივა სიმღერით:
„პარალე, პარი-პარალე,
პარი-პარალე, პარალე!..“

პარიერა

ცოტა კიდევ უფრო მაღლა,
ცოტა ღრმად და განიერად,
ცოტაც, ცოტაც და შორს წახვალ,
მზად იქნება კარიერა!

ერთი წუთით არ შეჩერდე,
არსად შედგე წამიერად,
დიდთან — მუხლზე, სხვასთან — ცერზე
და... ხელში გაქვს კარიერა!

ნუ იდარდებ, წინსვლამ თუკი
ჯიბე დაგიცარიელა,
გაიხსება, როგორც თუნგი,
როცა მოვა კარიერა!

გაძრომას და გამოძრომას
დაეუფლე პაიპარად,
ვიღამ იცის ძმათა ძმობა?! —
მთავარია კარიერა!


გადაეკლე, რაც წინ დაგხვდეს
ჯგბირად თუ ბარიერად,
თუნდ ქვეყანა სულ მთლად წახდეს,
ოღონდ იყოს კარიერა!

ილუსტრაციები **ჯ. ლოლუასი**

ნახ. ი. შაინაზვილისა



უსიტყვოდ



სამეურნეო ანგარიშზე გადასვლა

ნახუროც სკოლისკოშნიქი

- **პინც** არსად არ არის, ის შეიძლება ყველგან იყოს.
- **პინც** ფითრდება, ყველა მშიშარა როდია.
- **მბრის ტყვიას** შეიძლება გადაურჩე, მოძმის საწამლავს ვერ გაეძევი!
- **არ არსებობს** ისეთი ჩინი, კაცს აღამიანობას რომ შემატებს.
- **ფონს** გასვლა ვერაფერი გამირობაა, ფონამდე მისვლაა საქმე.
- **კვეყნის** შემოქმედმა ყველაფერი დაწერა, ახლა მისი ნიჭიერად წაკითხვაა საჭირო.
- **თუ** ზოგიერთი მკითხველი მის წაკითხულ წიგნზე უფრო მშვენიერია, წიგნის ავტორს ამაზე გული არ უნდა დასწყდეს.
- **ზოგი** ჯერ აკეთებს, მერე ფიქრობს. პირიქით რომ მოიქცეს, შეიძლება ველარ გააკეთოს.

- **თავი** ისე არ უნდა დაიდაბლო, რომ ვინმემ სკამად გამოიყენოს!
- **შენთვის** როდესაც ცხოვრობ, ყველაზე მეტად მაშინ გაკვირდებიან სხვები!
- **თუ** ქვას გესვრიან, ჩანს, ნაყოფი გასხია!
- **მეცნიერების** სუფრაზე ერთი ადგილი მაინც მოიძებნება უვიციისთვის, მაგრამ აუცილებელი როდია ის ადგილი შენ შეავსო!
- **ალამიანები** იმდენად წინ მივიღებართ, რომ ჩვენი კულტურა თან ვერ მოგვყვება.
- **მაგის** წინააღმდეგ შეთქმულებაში მონაწილე შვილი კარგი მამა ვერ გახდება.
- **თუ** წაიქეცი, დროზე წამოდექი, თორემ წამოგაჯდება!

- **იმ ტოტზე** უნდა დაჯდე, რომელზედაც გალობას მოახერხებ!
- **შენი** გამირობით შენი სამშობლოს მტერი არ უნდა გააძლიერო!
- **შეგნებული** და შეგინებული ერთმანეთის სინონიმებიც შეიძლება აღმოჩნდნენ.
- **თუ** შეძლებულად არ ცხოვრობ, ხალხი შენს აზრს ანგარიშს არ უწევს!
- **სამშობლოს** ბოლიც ტკიბილია, მაგრამ არც ძალიან აბოლებული სამშობლო ვარგა! — ეს უნდა გვახსოვდეს სიგარეტის მწველებს!
- **ალამიანები** მდინარეებს თუ ჰევანან, ისინიც ვალდებული არიან დროდადრო კალაპოტიდან ამოვარდნენ ხოლმე.

გიგა მახვილაძე



მამის ფერილი შვილებისადმი

ზურგი მაქციენ შვილებმა, ვერ ამომიღწენ მხარში, ვერც ხვეწნამ გაჭრა, ვერც რისხვამ, კაცი ამაოდ დაფშვრილი. წავიდნენ.. ჩემი მუდარა გაბუკა ქარსა და ნიავს... ნეტავ ვიცოდე, მაგ ქალაქს რა ჯადო-მადლი სცხია? ყრმას აცდუნებს და იზიდავს, როგორც ყვავილი ფუტყარს.. მიმატოვენ და წავიდნენ, არ ბრუნდებიან უკან.. კი, ხშირად მწერენ ბარათებს, მწერენ, რომ არა უჭირთ, დმერთი და რაჭული, შიმშილით როდი უხმებთ კუჭი! თურმე იცვლიან მალიმალ ადიდასებს და ჭინსებს, ფული რომ შემოედევთ, მომვარდებიან სგლისებრი.. ბეი, თქვე უნამუსონო, როგორ გამაძვრეთ ტყავი: ყვავილებივით გამაძვრეთ, მხრებზე ძლივს შემერჩა თავი.. ამიტალახეთ ჭიშკარი, პირიდან მაცლით ლუქმას, ან იქ ივარგეთ, საცა ხართ, ან დამიბრუნდით უკან აგიწვევით ლაგამი და თვითნებურად ბუქნავთ, გეყოფათ, ამიერიდან ჩემი იმედი ნუ გაქვთ! დედის რძესავით შეგერგოთ, რაც ხელი მოგიმართეთ, აწი თქვენც გაიხარჯნით, მე ნულარ მიჩვეთ დავთრებს! მამა ვარ, არა გრცხვენიათ, ცოცხლად ჭვარზე რომ მაცვით?! თქვენმა წილხვედრმა ჭაპანმა მიწას ამკრა კაცი.. რას ეტყვით სოფელ-ქვეყანას ან სად წაუხვალთ სირცხვილს?! ებ, არ მართლდება ანდა? გვარზე დახტისო კვიცი. თქვენ ოფლი უნდა გდიოდეთ, ხელი თოხი უნდა გეპურათ, კმარა უმიწო ყიალი, ქვაფენილების ტკეპნა! ქვაც ცვდება უქმად გდებითა, ხავსს: მოიკიდებს თავად, თქვენი ნაღვანოც მანახვით, ვიდრე ცოცხალი დავალ! თვალს გაუწვრობებ ქვეყანას, გადავუჩვევი ოხვრას, წელგამართული გავივლი, ახალს ჩავიცვამ ჩოხას, მეთის ხალისით ვიშრომებ, არ გააცივებთ კერას, ვიდრე არ მოვა შემინდე, — წავეყვი იქ, სადაც ჯერ არს!

იქნებ შენ მითხრა, „ნიანგო!“

თუ არ დავლიე ყოველდღე, ბლუ და უძლური ვხდები, არც ცოცხლი ვარ, არც მკვდარი, მიმიძის განძრევა მხრების.. დავლიე და გავალმახდები გადავირევი „ბოვში“, სულ უმიწოდ თავს ვესხმი და ვაწიოკებ ცოლ-შვილს.. ებ, ჩემი თავი ჭანდაბას, სხვასაც ვამწარებ, მჭერა, ზურგი მაქცია სოფელმა, ყველა მიცქერის ცერად!.. არ ვიცი, ქვეყნად ჩემდარი მეორე კიდე თუა, — ერთბაშად გამომეფიტა აზრი, გონება, ჭკუა.. ერთხელ ვიდაცამ სარდაფში შვილის სახელი მკითხა, ვერ გავიხსენე ვერაფრით, თავი ვიმტვრეე დიდახსს.. ვაი, ამ სმას და ამ ჭამას, როგორ მომეჭრა თავი! — დღე მითენდება, დამდება მოჩვენებებთან დავით!.. დავალ ჰრაფრის მაქნისი, ძილშიც დავეძებ სასმელს, იქნებ შენ მითხრა, „ნიანგო“, რა მოვუხერხო ამ ხენს?

დავით სალია (ზუგდიდის რაიონი, სოფელი დარჩელი)




— ჩემზე ავრცელებენ კორს, საჯაროობის წინააღმდეგიაო?

ნახ. 2. პატრიარქისა




— როგორ მოემზადეთ სამთრისათვის?
— შესანიშნავად: ფერმის გამგისთვის და ჩვენთვისაც ახალი შენობა ავაგეთ და ლუმელიც დავდგით!

ნახ. 2. ზუგაშვილისა



უსიტყვოდ



— ხომ არ შეგცივდათ, უფროსო? მოიხურეთ!..
— გმადლობთ! მე ისეთ თბილ სკამზე ვზივარ, რომ...

ცემენტის ახალი თვისება, ანუ მორალური რღვევების აღსაკვეთად

შელატონი

არ შეიძლება სიახვის გრძობით არ აგვესოს გული, როცა ნახავ, სოფლად თუ ქალაქად რა ფართო მასშტაბებს იღებს აღმშენებლობა: შენდება საცხოვრებელი სახლები, სამეურნეო-სამრეწველო საწარმოები, სკოლები, პოლიკლინიკები, საბავშვო ბაგაბაღები, ხიდები, გზაგამტარები და მრავალი სხვა დანიშნულების ობიექტ-ნაგებობანი. ეს უველაფერი დიდებულია, მაგრამ რაც უფრო ფართოვდება მშენებლობის მასშტაბები, მით უფრო მეტი საშენი მასალებია საჭირო. ამჟამად მხოლოდ ცემენტი გვაქვს მხედველობაში, რომლის შოვნა, რაც დრო გადის, სულ უფრო ღირსს!..

ახლა ყველასათვის ცნობილია, რა დიდი ყურადღება ექცევა ჩვენს ქვეყანაში კოლექტიური მებაღეობის განვითარებას, საბაღე ბინებისა და სხვა ნაგებობათა მშენებლობას. კოლექტიური მებაღეობა „აღგეთიხ“ წევრებმა (თეთრი წყაროს რაიონი) არაერთხელ მიაშურეს მარწეულის, კოლის, სხვა ახლომახლო მღებარე ცეკავშირის ხავაქრო ბაღებს, მაგრამ ამოიღ! — ცემენტის შოვნა მაინც ვერ შეძლეს! ვერც თბილისში გახდნენ ვერაფერს!.. და ეს მაშინ, როცა დაუღვენელი პროფესიის ადამიანებს უშუალოდ ხაკვეთებში მოაქვთ ცემენტი, სარგებლობენ მისი ღვეციტურობით და ორმაგ, სამმაგ ფასში ყიდიან, სპეკულანტობენ, ჯიბებს ისქელებენ!..

ყოველგვარი მიკიბულ-მოკიბულის გარეშე რომ ვთქვათ, სიმტკიცის, სიმაგრის საშუალება ადამიანთა მორალური რღვევის,

ზნეობრივი დაცემის იარაღად არის ქცეული! ერთხელ ასეთი დიალოგის მომსწრეც გავხდი. ერთ-ერთი მეზადის ჰიშკარს მსუბუქი ავრომანქანა მიადგა. იქიდან ორი ტანადი ენერჯული ახალგაზრდა გადმოვიდა. ერთში მოჩალიჩე სამოციოლე წლის მეზადეს ჰკითხეს:

— ცემენტი ხომ არ გინდა, ბიძა? დღეს მოვირიგდებით, ხვალ მოგიტანთ!

— კი, როგორ არ მინდა! ტონა რა დამიჯლება?

— არც მეტი, არც ნაკლები, ას სამოც მანეთი!

— ეს როგორ?! — შეცბა მეზადე, — ოცდათექვსმეტმანეთიან საქონელში ას სამოც

მანეთი?! ესე იგი, ხუთმაგი?! ნამეტანია ნაკლებ არ იქნება?

— არა! ეს „ტაქსა“! თუ გინდა, მოგიტანთ, თუ არ და, არ გაძალებთ!

— ბიჭებო, იცით, რა ვითხრათ? გარეგნულად ლამაზები ჩანხართ, ბუნებას არაფერი დაუკლია თქვენთვის, ხორცი, ფერი, თვალი, ხელი, ტანადობა, მაგრამ რად გინდა, შინაგანად გაბრწილხართ, ცოცხლად ყარხართ! სამ თუმან-ნახევრად ღირებულ საქონელში ას სამოც მანეთს როგორ ითხოვთ?! — მიახალა გაბრაზებულმა მეზადემ და ჰიშკარი მიუხურა.

ამის შემდეგ იყო, რომ ერთ მშვენიერ დღეს დასხდნენ თბილისელი ალგეთლები და იმსჯელეს, როგორ და რატომ მოხდა, რომ ახალი, მისთვის სრულიად შეუფერებელი თვისება შეიძინა ცემენტმა? როგორ შეიძლება საშენი მასალა ადამიანთა დაქცევის იარაღად იყოს გამოყენებული?! რა ეშველება საქმეს? — დასვეს კითხვა და თვითონვე უპასუხეს:

— უბრალო დაკვირვებითაც ჩანს, რომ მოშვიფდა საკითხი — ან რუსთავესა და კასპის ცემენტის ქარხნების სიმძლავრე უნდა გაფართოვდეს, ან კიდევ ერთი ახალი ცემენტის ქარხანა აშენდესო რესპუბლიკაში.

იფიქრებენ ალბათ ამაზე შესაბამისი ორგანოები და ცემენტს ჩამორეცხავენ იმ ლაქას, იოლი ცხოვრებით გატაცებულმა ადამიანებმა რომ მოსცდეს მას.






„ნიანუ“

მგზავნი

ავტომობილი ადამიანის მეგობარი უნდა გახდეს!

თანავედროვე ადამიანის ცხოვრება წარმოუდგენელია ავტომობილის გარეშე. იგი სხვა ტრანსპორტთან შედარებით ძალზე მოხერხებული და რენტაბელურია, რა თქმა უნდა, ნორმალური მძღოლის ხელში. ამან განაპირობა სავტომობილო მრეწველობის სწრაფი ზრდა, რაც თითქოს მისასალმებელი და სასიხარულოც უნდა იყოს, მაგრამ სამწუხაროდ, ავტომობილმა ბევრი თავსატეხი გაუჩინა მის თითქოსდა ბედნიერ მფლობელს. ესაა ასე მოხშირებული ავტოავარიები, რაზედაც ციფრობრივი მონაცემები და დამტკრეული ავტომანქანების პანორამები მეტყველებს. იშვიათად გავა დღე, რომ გულსიმძვრელი, თავზარდამცემი ცნობა არ მივიღოთ დაუდევრობისა თუ სხვა მიზეზთა გამო მომხდარ ავტოკატასტროფებზე, რასაც ყველაზე დიდი უბედურება — ადამიანთა მსხვერპლი ანლავს.

რა იწვევს ავტოავარიებს, ვინ არიან ის უგუნური, თავზე ხელაღებული მძღოლები, რომ ვერ იმორჩილებენ თავსა და საჭეს და ამ დამჯერე, ჭკვიან მანქანას, ადამიანის ცხოვრების შესამსუბუქებლად განკუთვნილს, ჯოჯოხეთის იარაღად აქცევენ და ადამიანებს ჭიანჭველებივით ასრეისინებენ?



პრობლემა ახალი არ არის, მაგრამ უკანასკნელ ხანს საქმე მეტისმეტად გამწვავდა. საქართველოს სსრ შინაგან საქმეთა სამინისტროს სავტომობილო სახელმწიფო ინსპექცია, რომელიც სწორედ მოძრაობის მოწესრიგებისა და ავტოავარიებთან ბრძოლისთვისაა მოწოდებული, უკვე ხუთი ათეული წელია, დიდ და სერიოზულ მუშაობას ეწევა. ცხადია, სათანადო ეფექტსაც აღწევს, მაგრამ ჩვენს რესპუბლიკაში შექმნილმა საგანგებო მდგომარეობამ საფუძვლიანად ჩააფიქრა მოძრაობის უსაფრთხოების მომწესრიგებელი ორგანოები. ამიტომ საბჭოთა კავშირში პირველად საქართველოს სსრ შინაგან საქმეთა სამინისტროსთან შეიქმნა საზოგადოებრივი აზრის ინსტიტუტი, რომელიც მოწოდებულია დახმარება გაუწიოს რესპუბლიკის ავტოინსპექციას ამ შეტად რთული და პასუხსაგები საქმის მოგვარებაში.

ინსტიტუტის წევრები — მეცნიერები, მწერლები, ჟურნალისტები, ხელოვნების მუშაკები, შინაგან საქმეთა სამინისტროს წარმომადგენლები — სრული შეგნებითა და ერთუზიანებით მოეკიდნენ მათზე დაკისრებულ მოვალეობას. ინსტიტუტმა პირველ რიგში ამოცანად დაისახა შემოქმედება მოახდინოს ადამიანებზე, მოძრაობის პროცესში რომ არიან ჩართულნი. გვეგულება კი ადამიანი ამ პროცესის გარეშე?

ცხოვრებისეული გამოცდილებისა და სტატისტიკური მანძლების ანალიზის საფუძველზე გამოიკვეთა საღი აზრი, რომ თუ მოძრაობის მოწესრიგება გვინდა, უნდა მოწესრიგდეს მოძრაობაში ჩაბმული ყველა კომპონენტი; პირველ ყოვლისა, მძღოლი, ფეხით მოსიარულე და საგზაო ავტოინსპექტორი. განურჩევლად სქესისა და ახაკისა, ყველამ ხუთი თითივით უნდა იცოდეს ქუჩაში მოძრაობის წესები და პქონდეს ამ მოძრაობაში მონაწილის მიმართ პატივისცემის გრძნობა, რაც ჩვენში ძალზე იშვიათი ხილია. მძღოლს ევალება, კარგად ფლობდეს მანქანას და უაღრესად პქონდეს განვითარებული პასუხისმგებლობის გრძნობა, ფეხით მოსიარულე მუდამ მოწესრიგებული უნდა იყოს, ავტოინსპექტორი ვალდებულია მოქმედებდეს გონივრულად, ხელმძღვანელობდეს მაღალი პრინციპებით და მხოლოდ კანონიერების დასაცავად აღმართოს კვერთხი! ასეთი აღმზრდელობითი მუშაობის შედეგად მეტი იქნება ურთიერთგაგება მოძრაობაში ჩაბმულ ადამიანთა შორის და, აქედან გამომდინარე, — ნაკლები უბედური შემთხვევები.

სპეციალისტების აზრით, ავტოავარიის ძირითადი მიზეზი, რომელიც სიკვდილით მთავრდება, სიჩქარის გადაჭარბებაა, უმრავლეს შემთხვევაში კი სიჩქარეს აჭარბებს არაფხიზელ მდგომარეობაში მყოფი ან თავპირიანი (სამწუხაროდ, ამ უკანასკნელის დეფიციტს არ განვიციდით) სოციალურად ჯერ კიდევ მოუწიფებელი, ჩამოუყალიბებელი მძღოლი. ისიც ხდება, რომ რაკი თანამედროვე ავტომანქანები კომფორტაბელურია, მაგნიტოფონებით და ზოგჯერ ვიდეომაგნიტოფონებითაც აღჭურვილი, გართობის მოყვარულ მძღოლს ავტომობილში მოუნდება გართობა, რომელიც შეიძლება უკანასკნელიც გამოდგეს... ყველა შემთხვევაში ეს მძღოლის უკულტურობასა და უპასუხისმგებლობაზე მიუთითებს. ცხადია, აქ ჩვენ კულტურა სხვა გაგებით გვესმის, თორემ მძღოლთა უმრავლესობა ახლა ავტომოყვარულია, რომლებსაც შესაძლოა რამდენიმე დიპლომი უძვეს ჯიბეში. ასეთ ვითარებაში გადაწყვეტი მნიშვნელობა ენიჭება ავტოინსპექტორის ინტელექტუალიზმსაც. თავნება მძღოლის უხეშობა და ამბიციები რომ აღკვეთო, თვითონ უნდა იყო თავშეკავებული, ცოდნით, განათლებით, მოქალაქეობრივი პრინციპულობით, პატიოსნებით, ობიექტურობის გრძნობით აღჭურვილი!

გაითვალისწინა რა დღევანდელ სიტუაციაში ავტოინსპექტორის როლის ამაღლების აუცილებლობა მოძრაობის უსაფრთხოებისათვის ბრძოლის საქმეში, რესპუბლიკის ავტოინსპექციამ 1987 წლის ნოემბერში გამოცდა მოუწყო საგზაო ავტოინსპექტორებად მიღების მსურველებს და აღმოჩნდა, რომ 215-დან მხოლოდ 34-მა გაუძლო სადღეისო მოთხოვნებს, ისიც ისე რა, რადგან ყველაფერი შედარებითია.

ინსტიტუტი იმედოვნებს, რომ მომთხოვნელობის ამაღლება დადებითად იმოქმედებს ავტოინსპექტორთა კადრების ხარისხობრივ გაუმჯობესებაზე, რაც, თავის მხრივ, მნიშვნელოვანი პირობაა რესპუბლიკის გზებსა და გზაჯვარედინებზე ავტოავარიების შემთხვევების შემცირებისა.

საქართველოს სსრ შინაგან საქმეთა სამინისტროსთან არსებული საზოგადოებრივი აზრის ინსტიტუტის წევრებისა და ავტოინსპექციის მუშაკთა შორის გულანდლი დიალოგი, თუ ვინ რა წვლილს შეიტანს ამ საჭირობოტო პრობლემის გადაწყვეტაში, იმის საწინააღი, რომ ბოლოს და ბოლოს, ავტომობილი ადამიანის უბედურების მომტანი კი არა, მისი ნამდვილი მეგობარი და თანაშემწე გახდება, რაც მისი უპირველესი დანიშნულებაა!

შანი სიხარულიძე



გარეთ სხვა აქვს,
შიგ — სხვა ხედი,
გულგრილია და თავხედილი..
თვითკრიტიკა არ სურთ ბეცებს,
ის სხვის თვალში სულ ბეწვს ეძებს.
მისთვის რაა სხვისი ჭირი? —
რომ იტყვიან, ღობეს ჩხირი..
გაგამდიდრებს უცებ ენით,
სხვასთან სხვაა,
შენთან — შენი..
უყვარს კვანტი და რა კვანტი
თავი მოაქვს ზოგჯერ ამით,
აუღია ბევრჯერ ქრთამიც..
ღმერთს იფიცებს
და ხან ალაპს!
თუ დასჭირდა, გესვრის ტალახს..
აქილიყებს, ყველას იგდებს,
თუ რამეში არ სჭირდება,
სალამსაც არ გადმოგიგდებს..
სიმართლის მოქმელთ
ის თვლის მტრებად,
სიგლახეში არაკაცებს ეჭიბრება.
არ მოეშვა სხვათა ჩხივინს,
სამსახურში მოიყვანა
ბიძაშვილი — „ყვავის ჩხივი“...
უხურდება ზოგჯერ კეფა,
თითქოს კი არ ლაპარაკობს, —
გამუდმებით გესმის ყეფა..
„რასაც შეჭამ, შეგერგება!“ —
ახე ფიქრობს, როგორც მგელი.
საცობია, ყველა ბოთლს რომ
მოერგება
საბაგელი!
ზოგჯერ ქურდსაც ეწვის ქული,
თავად ყვირის:
„არ გაუშვით არსად ქურდი!“
სისუფთავეს იცავს მწვავედ,
ძირს ყრის ნაგავს და ნამწვავებს,
ბევრჯერ უთქვამს: „არ ვსვამ აწი!“
კვლავ უჭირავს ხელში უანწი!
ჭერჭერობით განლავეთ „კაცი“,
სიკეთისგან განარიყო,
გულის ნაცვლად ქვა აქვს რიყის,
მედროვეა,
სავარძელში ამოსულა,
როგორც ნიყვი..
უვიცია,
მოედება ალთა-ბალთას
ვნახოთ, სანამ დააფარებს
„მწყალობელი“ მის თბილ კალთას..

ღვრით სუროქა



ნახ. მ. აბაშიძის

ბინდ ლაიჯერეთ, ბინდ—არა!

ჰვარლის რაიონის სოფელ სახუის მალაზის გამყიდველმა გიორგი ნანიკაშვილმა საბჭოთა ვაჭრობის წესების დაცვის ახალი „პროგრესული“ მეთოდი დანერგა თავის მუშაობაში და პირველი ექსპერიმენტი სოფელ ენისელში მცხოვრებ ზეინაბ ივანიძესთან ჩაატარა — ცხრაას მანეთად ღირებულნი მოშლილ-მოყანაყადებული საქონლებელი გარნიტური „პოლიანა“ ათას ორმოცდაათ მანეთად მიჰყიდა გარნიტურს აკლდა უამრავი წვრილმანი ღეტალი, მაგრამ გამყიდველმა წვრილმანად ჩათვალა დაზარალებული მყიდველის პრეტენზია. ზ. ივანიძემ „ნიანგს“ მომართა საჩივრით. ეს რომ გაიგო გ. ნანიკაშვილმა, მაშინვე აფრინა ხალხი მომჩივანთან და ოქროს მთებს შეჰპირდა; ოღონდაც ნუ მიივლებ და, გარნიტურსაც შეგიცვლი და ზედმეტად აღებული თანხის სანაცლოდ ორ საწოლსაც დაგიბატობო.. მართლაც მიუტანეს ქალბატონ ზეინაბ ლამაზად შეფუთული გარნიტური, „ნიან-

გის“ რედაქციის სახელზედაც დააწერიან ახსნა-განმარტებითი ბარათი გარნიტური შემიცვალეს და გამყიდველს აღარ ვუჩივო, მაგრამ... როცა — გარნიტური გახსნა, იგი აღმოჩნდა ადგილობრივი, ახალდაბის ნაწარმი, თან უხარისხო... ზედმეტად აღებულ ას ორმოცდაათ მანეთს მეერე მოგვცემო! — დაამშვიდეს მოტყუებული მომხმარებელი. მალაზის გამგემ ზაურ მანჩხაშვილმა კი „ნიანგს“ მოსწერა — ოღონდაც ეს ყველაფერი მე მაპატიეთ და ნანიკაშვილს დღესვე მოგხსნი სამსახურიდანო! ჩვენ არ ვიცით, შესრულა თუ არა მანჩხაშვილმა თავისი დანაპირები, მაგრამ უვარგის გარნიტურს რას უშველის უსინდისო გამყიდველის მოხსნა?

ვანო ცინცაძე,

ნანა ჯაჯანაშვილი,

„ნიანგის“ სპეცკორესპონდენტები.

ნიმომ ყნდა დაიკარგოს შეუქრებნი?

იუმორისკა

ისეთი სამსახური მაქვს, მართო
ფურნალ-გაზეთების კითხვა მევალება. არ
იფიქროთ, ზარმაცი ვიყო; დილით უთენია
გაგობივარ სამსახურში, ჩვენი დაწესებულე-
ბის წინ სპეციალურად გახსნილ საგაზეთო
ჯიხურში ვყიდულობ ყველა ფურნალ-გაზეთს,
რასაც ჩვენს ჯუჯღუნა გამყიდველთან ზედ-
მეტად მიცემული 20 კაპიკით ულაპარაკოდ
ვალწევ ვვადები და ვიწყებ კითხვას. მე მე-
ქალება აღმოვაჩინო ფურნალში ან გაზეთში
დადებითი ან უარყოფითი მასალა, რაც მხო-
ლოდ ჩვენს დაწესებულებას შეეხება ან, სა-
ერთოდ, ფრიად საყურადღებო სტატია და
ამის შესახებ მოვასხენო ჩემს უფროსს. მერე
უნდა ნახოთ, როგორ იქნევს თითხ ჩემი
უფროსი დილის თათბირზე და ამბობს:

– წაიკითხეთ, ამხანაგებო, რა წერია „პრა-
დაში“?, „კომსოლოსკაია პრაუდაში“?, „კო-
მუნისტში“?, „თბილისში“?, „ნიანგში“?

გაოცებული თანამშრომლები პირდაღებუ-
ლი შესცქერიან ფრიად განვითარებულ უფ-
როსს და უკვირთ, როდის ასწრებს ეს კაცი
ამდენი ფურნალ-გაზეთის წაკითხვასო?

მე მეორე ფრიად მნიშვნელოვან საქმე-
საც ვაკეთებ, ოღონდ ამას ჩემთვის: თუ სად-
მე გამოცხადებულ კონკურსს წავაწყდები,
ეწერ შესაბამის წერილს, სტატიას, ლექსს,
რომანს, მოთხრობას და ვიმარჯვებ. ამას
წინათ ერთ-ერთმა გაზეთმა კონკურსი გამო-
აცხადა თანამედროვე თემის ამსახველ ყვე-
ლაზე მინიატიურულ ლექსზე. მაშინვე გა-
მოვაცხვე ორი ლექსი, გავგზავნე და გავი-
მარჯვე კიდეც.

აი, ის ორი ლექსი:

ასლა ისეთი დროა,
ნაღდად საჭირო როა!

და

გათინდება – ავღაბით,
დაღამდება – დაწვევით!

მაგრამ ერთ რამეზე მწყდება გული: გარ-
დაქმნა ჯერჯერობით არ შეეხო კონკურსში
გამარჯვებული ნაწარმოებების დაბეჭდვის
საქმეს.

ათი წლის წინათ კონკურსში გამარჯვე-
ბულ ჩემს ერთ რომანს, რომლის სათაურია
„რა ღირს კილოგრამი პაერი?“ დღესაც გა-
მომცემლობის მტკერი ჯამს. მეორე რომანს
სათაურით – „ვის ვუკრავთ ტაშს?“ (ისიც
კონკურსში გამარჯვებული) ვიღაც რეცენ-
ზენტმა დაიწუნა. კონკურსში გამარჯვებულ
ნაწარმოებს რად უნდა რეცენზია? ხომ არ
აჯობებს, გამოვაცხადოთ კონკურსში გამარ-
ჯვებული ნაწარმოებების კონკურსი? ან იქ-
ნებ მოხდეს სასწაული ეს დაიბეჭდოს კონ-
კურსში გამარჯვებული ეს ლექსები?


ჩემს ბედში ბევრი მწერალია. ბოლოს და
ბოლოს, ამ სფეროშიც უნდა დაბეროს გარ-
დაქმნის ქარმა!

რატომ უნდა დაიკარგოს შედეგები?

რევაზ ოსეფაიშვილი



ნახ. ბ. ზუბაშვილისა



უსიტყვოდ



იმედი გვაქვს, რომ მსოფლიო გავრთიანება, უწინარეს ყოვლისა, შეერთებული შტატებისა და საბჭოთა კავშირის ხალხები, ყველა ქვეყნის ჯანსაღი ძალები, გააორკეცებენ ძალისხმევას, რათა გაუფრთხილდნენ ბირთვული განიარაღების პირველ ყლორტს, რომელიც ამოიწვერა ცრურწმენებისა და მტრული სტერეოტიპების ბეტონის შუაგულიდან.

მ. ს. გორგაძე

ბირთვული განიარაღების პირველი ყლორტი

სასიბნალო



სატირქო
 ბიულეტენი
 სატირისა და იუმორის
 შურონი „ნიანგი“ № 8
 (1757). თებერვალი. გამომ-
 1923 წლის ივნისიდან.

მთავარი რედაქტორი
ჯანა ბოლქვაძე

სარედაქციო კოლეგია:

ავთანდილ აღიშვილი
 (პასუხისმგებელი მდივანი),
 ვახუა ამირეჯიბი, ნოზალი
 ბართაია, ბორის გურგუ-
 ლია, რევაზ თვარაძე, ჭე-
 მალ ლოლუა, ნოდარ მა-
 ლაშონია (მხატვარ-რედაქ-
 ტორი), ალექსანდრე სამ-
 ხონია, ხეჟან სიხარულიძე
 (მთავარი რედაქტორის მო-
 ადგილე), ჯანსუღ ჩარკვიან-
 ნი, თამაზ წივწივაძე, ნა-
 ფი ჭუსოთი.

ტექნიკური რედაქტორი
 ირაკლი ღუნღუა

გადაეცა ასაწყობად
 30. 12. 87 წ. ხელმოწერი-
 ლია დასაბეჭდად 5. 02
 88 წ. ქალაქის ზომა
 60x90¹/₈, ფიზიკური ნაბე-
 კდი ფურცელი 1,5. საღ-
 რიცხო-საგამომცემლო თა-
 ბანი 1,9, საქართველოს კბ
 ცკ-ის გამომცემლო ბა-
 ლენინის 14, შეკვ. 3052
 უე 04712. ტირაჟი 140000
 ქურნალი გამომცემლის თვეში
 ორჯერ. რედაქციაში შემო-
 სული მასალები ავტორებს
 არ უბრუნდებათ.

ჩვენი მისამართი: 880008.
 თბილისი-8, რუსთაველის
 პროსპექტი № 42.

ტელეფონები: მთავარი
 რედაქტორის — 99-55-54,
 მთ. რედ. მოადგილის —
 93-19-42, პ/მგ მდივნის —
 93-10-78, მხატვარ-რედაქ-
 ტორის — 99-02-38, გან-
 ყოფილებათა გამგეების —
 93-49-32, რედაქტორ-ლიტ-
 მუშაკების — 99-02-38,
 მდივან-მემაქანის —
 99-76-69.

სატირქო - юмористиче-
 ский журнал «НИАН-
 ГИ» (На грузинском
 языке). Тбилиси, пр. Ру-
 ставели № 42. Издаель-
 ство ЦК КП Грузии,
 Ордена Трудового Крас-
 ного Знамени типогра-
 фия издательства ЦК
 КП Грузии, Тбилиси,
 улица Ленина № 14.

ფასი 20 კაპ.
 ინდექსი 76137

